

Julie Morgan AC/AM
Y Dirprwy Weinidog Iechyd a Gwasanaethau Cymdeithasol
Deputy Minister for Health and Social Services



Llywodraeth Cymru
Welsh Government

Ein cyf MA-P/JM/2857/19

Lynne Neagle AC
Cadeirydd y Pwyllgor Plant, Pobl Ifanc ac
Addysg Cynulliad Cenedlaethol Cymru
Tŷ Hywel
Bae Caerdydd
Caerdydd CF99 1NA

25 Tachwedd 2019

Annwyl Lynne,

Roeddwn wrth fy modd yn cael dod i Ymchwiliad y Pwyllgor Plant, Pobl Ifanc ac Addysg ar 6 Tachwedd. Diolch am gadeirio trafodaeth mor gynhwysfawr ynghylch hawliau plant. Yn dilyn y sesiwn dystiolaeth, fe wnaethoch chi ofyn am fwy o wybodaeth am nifer y Gweinidogion sydd wedi cael hyfforddiant ym maes Hawliau Plant.

Mae amrywiaeth eang o hyfforddiant, gwybodaeth ac adnoddau ar gael i Weinidogion a swyddogion Llywodraeth Cymru er mwyn gwneud hawliau plant yn rhan annatod o'r broses o ddatblygu polisi a darparu gwasanaethau. Bydd Gweinidogion hefyd yn cael cyngor cynhwysfawr gan eu swyddogion ynghylch goblygiadau'r cyngor polisi y maent yn ei ystyried mewn perthynas â hawliau plant. Mae'r cyngor hwn o gymorth sylweddol i Weinidogion yn y maes hwn - er nad yw'n gyfystyr â hyfforddiant ffurfiol.

Yn ogystal, mae Gweinidogion yn derbyn mewnbwn sylweddol gan y rheini sy'n gysylltiedig â'r sector plant, sy'n pwysleisio pwysigrwydd cwestiynau'n ymwneud â hawliau plant. Rwy'n cwrdd â'r Comisiynydd Plant bedair gwaith y flwyddyn, ac rwy'n gwybod bod yr Athro Holland yn cael cyfarfodydd rheolaidd â llawer o'm cyd-Weinidogion. Er enghraifft, mae'r Comisiynydd Plant yn cwrdd â Phrif Weinidog Cymru bob blwyddyn i drafod ei Hadroddiad Blynyddol.

Nid oes rhaid i Weinidogion ddilyn hyfforddiant gorfodol ym maes hawliau plant ar hyn o bryd. Fodd bynnag, fel y soniais yn sesiwn dystiolaeth y Pwyllgor, byddwn yn agored i'r syniad o ysgrifennu at Weinidogion eraill Llywodraeth Cymru i gynnig y cyfle i gael hyfforddiant o'r fath.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1NA

Gohebiaeth.Julie.Morgan@llyw.cymru
Correspondence.Julie.Morgan@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Julie

Julie Morgan AC

Y Dirprwy Weinidog Iechyd a Gwasanaethau Cymdeithasol